

Velferðarþjónusta Árneshvíls

Reglur Velferðarþjónustu Árneshvíls um ferðarþjónustu fyrir fatlað fólk.

1.gr.

Reglur þessar byggja á 35. gr. laga nr. 59/1992 um málefni fatlaðs fólks með síðari breytingum og taka mið af leiðbeinandi reglum Velferðarráðneytisins fyrir sveitarfélög um ferðarþjónustu fatlaðs fólks.

2.gr.

Markmið ferðarþjónustu Velferðarþjónustu Árneshvíls er að gera þeim, sem ekki geta nýtt sér almenningssamgöngur, kleift að stunda nám, vinnu, hæfingu, sækja heilbrigðisþjónustu og njóta tólmunda. Haft er að leiðarljósi að aðstoða fatlað fólk til fullrar þátttöku í samfélaginu og sjálfstæðs lífs eins og kostur er hverju sinni.

Akstursþjónusta er veitt innan marka lögheimilissveitarfélags notandans auk þess sem hún nær til miðlægra þjónustueininga á Selfossi.

3. gr.

Skilyrði fyrir þjónustu samkvæmt reglum þessum:

- Að notandi eigi lögheimili í sveitarfélagi innan svæðis Velferðarþjónustu Árneshvíls
- Að notandi geti ekki nýtt sér almenningssamgöngur vegna fötlunar
- Að notandi eigi ekki bifreið sem keypt er með styrkjum frá Tryggingastofnun ríkisins

Heimilt er að veita undanþágu frá þessum skilyrðum skv. mati starfsfólks velferðarþjónustu vegna sérstakra aðstæðna.

4. gr.

Velferðarnefnd Árneshvíls ber ábyrgð á þjónustu Velferðarþjónustu Árneshvíls og hefur félagsmálastjóri yfirumsjón með henni.

Umsókn um ferðarþjónustu berist Velferðarþjónustu Árneshvíls á þar til gerðu eyðublaði sem nálgast má á skrifstofum velferðarþjónustunnar og á heimasíðu. Í umsókn skulu koma fram almennar upplýsinga um notanda s.s. fötlun, óskir um fjölda ferða og í hvaða tilgangi þær eru farnar.

Umsókn um ferðarþjónustu er afgreidd af starfsmönnum velferðarþjónustunnar. Starfsmenn leggja mat á umsókn, ákveða umfang og tímalengd þjónustunnar. Ef sótt er um ferðarþjónustu sem ekki fellur undir reglur þessar er umsókn tekin fyrir á teymisfundi Velferðarþjónustunnar.

Umsókn er svarað skriflega innan fjögurra vikna frá því að hún berst. Umsókn er metin með hliðsjón af getu og færni notanda og möguleika hans til að nýta sér þjónustu almenningssamgangna og/eða annarra ferðamöguleika.

Velferðarþjónusta Árneshöfna

5. gr.

Ferðir til og frá skóla, vinnu, hæfingu og vegna heilbrigðisþjónustu ganga fyrir öðrum ferðum.

Fjöldi ferða til annarra erinda en að ofan greinir er háður takmörkunum, en við það skal miðað að þær verði ekki fleiri en 18 í mánuði og heildarfjöldi ferða eigi fleiri en 64 að jafnaði í mánuði sé akstur vegna tómsunda talinn með. Umsókn um ferðir vegna afþreyingar eða tómsunda skulu metnar í samráði við umsækjanda hverju sinni.

Ferð er skilgreind í reglum þessum sem akstur milli tveggja staða, en ekki akstur fram og til baka.

Umsóknir um ferðarþjónustu þeirra sem búa í dreifbýli eru teknar fyrir á teymisfundum og metnar út frá þörfum hvers einstaklings. Leitast skal við að samnýta ferðir eins og kostur er og sýna sveigjanleika með því að semja við einakaðila.

6. gr.

Ef ferðarþjónusta byggist á notkun leigubifreiða eða einkabifreiða starfsfólks, sem sinnir félagslegri heimaþjónustu eða liðveislu, skal gera einstaklingsbundna samninga um slíkt fyrirkomulag. Í samningnum, sem er milli notanda, starfsmanns og sveitarfélags, skal kveðið á um greiðslu kostnaðar og tryggingamál. Starfsmaður félagsþjónustu skipuleggur akstursáætlun í samvinnu við bílstjóra og með þarfir notanda í huga. Við framkvæmd þjónustunnar skal taka mið af því að farþegum sé sýnd tilhlýðileg virðing og sveigjanleiki.

7. gr.

Um gjald ferðarþjónustu vísast til gjaldskrár ferðarþjónustu fyrir fatlað fólk.

8. gr.

Umsækjandi um ferðarþjónustu fyrir fatlað fólk getur krafist rökstuddra skriflegra svara um forsendur ef umsókn er synjað. Ákvörðun um synjun má áfrýja til Velferðarnefndar Árneshöfna. Skal það gert skriflega innan fjögurra vikna frá því að umsækjanda berst vitneskja um ákvörðunina. Ákvörðun Velferðarnefndar er unnt að skjóta til Úrskurðarnefndar félagsþjónustu -og húsnæðismála.

9. gr.

Reglur þessar skulu endurskoðaðar eigi sjaldnar en á tveggja ára fresti.

Samþykkt í Velferðarnefnd þann 27. 02. 2013

Samþykkt af aðildarsveitarfélögum 15.04. 2013.